

欽定四庫全書薈要

子部
御定書畫譜卷二十二

欽定四庫全書薈要卷一萬一千三百五十四
子部
御定佩文齋書畫譜卷二十二

書家傳一

黃帝時人

倉頡倉一作蒼

倉頡西漢叢語云姓侯剛氏禪通紀云居陽武而葬利陽黃帝史也珍珠船曰按春秋元命苞

云倉帝史皇氏河圖玉版云倉頡為帝是皆謂倉頡為帝也帝王世紀云黃帝史官倉頡說文云黃帝之史倉頡是皆謂倉頡首四目通於神明仰觀奎星負曲之勢頡為史官也

欽定四庫全書

御定書畫譜卷二十二

俯察龜文鳥跡之象博采衆美合而為字是曰古文張

懷瑾書斷

倉頡之作書也自環者謂之私背私謂之公韓非子

倉頡作書而天雨粟鬼夜哭淮南鴻烈解

倉頡藏書臺有碑文二十八字通雅云倉頡之跡止傳藏書臺墓石李斯

識八字云上天作命皇辟迭王任昉述異記

沮誦

沮誦黃帝史黃帝創制沮誦倉頡始作書契以代結繩衛

詳校官兵部主事臣雷純

恒四體書勢

黃帝時有大鳥銜圖體備五色三文成字首文曰慎德
背文曰信義膺文曰仁智有臣沮誦亦作頌倉頡觀鳥跡
以作文字此文字之始也雲笈七籤

孔甲

孔甲黃帝史作盤孟二十九篇書盤孟中所以為法戒
也漢書注

夏

欽定四庫全書

御定書畫譜
卷二十二

務光

務光者夏時人也耳長七寸好琴服蒲韭根後遊尚父
山劉向列仙傳

務光隱於清泠之陂植蕪而食清風時至見其葉交偃
為倒蕪書以寫太上紫真經三卷唐玄度十體書

周

史佚

史佚周文王史作虎書有虎不害人名騶虞因茲始也韋續墨薮

史籀

史籀周宣王時為史官庾元威曰善書師模倉頡古文

損益而廣之或同或異謂之為篆亦曰史書書斷

史籀十五篇注周宣王太史作大篆十五篇漢書藝文志

史籀六字見法帖王應麟玉海

媒氏

媒氏作填書魏韋誕用題宮闕王廩王隱皆好之墨薮

宋司馬

陶宗儀作宋司馬子韋按史記宋世家有司星子韋無司馬子韋宗儀誤也

欽定四庫全書

御定書畫譜
卷二十二

宋司馬以癸感退舍作轉宿篆象蓮花未開形也墨薮

老子

老子者楚苦縣厲鄉曲仁里人也姓李氏名耳字伯陽

諡曰聃周守藏室之史也見周之衰遂去至闕關令尹

喜曰子將隱矣彊為我著書於是老子乃著上下篇言

道德之意五千餘言而去莫知其所終史記列傳

周瀨鄉石室中有老子篆書道德經後蔡邕以隸字證

之釋適之金壺記

孔子

孔子題季札墓十字

吾衍學古編云按古帖止云嗚呼有吳君子而已篆法敦古似乎可信今妄增延陵之墓四字除之字外

三字是漢人方篆不與前六字合

在潤州鄭樵金石畧

延陵季子墓字今入淳化官帖中其字如書簡牘不類

豐碑石柱上所刻也書亦少異於籀文唐人於季子墓

刻此十字張從申書其後籀字極大李陽冰初學嶧山

碑後見仲尼書季札墓字便變化開合如虎如龍是陽

冰所從得法也

董道廣川書跋

欽定四庫全書

御定書畫譜

卷二十二

四

比干墓在汲縣西北十五里墓前有殷比干墓四字世

以為孔子書體勢與周穆王吉日癸巳類先聖所篆比

干墓銅盤銘

文曰左林右泉後岡前道萬世之寧茲焉是寶

開元中為耕者游武

奇所得不傳矣

郎瑛七修類纂

孔子弟子申

孔子弟子申魯哀公十三年西狩獲麟為素王紀瑞制

麒麟書

墨數

魯二史

宓子賤為單父宰請君之近史二人與俱至官令二史

書方書輒掣其肘書不善則從而怒之家語

蘇秦張儀

蘇秦張儀二人同志傭力寫書行遇墳典無所題記則

以墨書字於掌內及股間夜還折竹寫之

王子年拾遺記

屈原

屈原名平楚之同姓也為楚懷王左徒王使造為憲令

屈原屬草藁未定上官見而欲奪之

史記列傳

欽定四庫全書

御定書畫譜

卷二十二

五

草聖始自楚屈原

蔡希綜法書論

魯秋胡妻

雕蟲篆

墨數作

魯秋胡妻所作秋胡隨牒遠仕荏冉三

年桑時閒翫集為此書亦云戰筆書其體適律垂畫纖

長旋繞屈曲有若蟲形

僧夢英十八體書

秦

李斯

李斯

學古餘錄云字通古

楚上蔡人也從荀卿學成西入秦始皇

并天下以斯為丞相史記列傳

尚方大篆字皆古體莫測其文斯遂刪其繁冗取其合宜參為小篆後刻諸名山碑篆玉璽銅人等斯之下筆趙高以下咸見伏焉斯書聖功紀石云吾後九百四十

年間當有一人代吾迹焉蒙恬筆經

倉頡篇上七章考工記注倉頡篇有乾覽疏云倉頡有七章李斯所作乾覽是其一篇江式云

造倉頡九章秦丞相李斯作漢書藝文志

秦始皇登於嶧山之上命丞相李斯以大篆勒銘山嶺

欽定四庫全書 御定書畫譜 卷二十二

名曰畫門鄺道元水經注

細篆書李斯摹寫始皇碑序皆用此體亦曰繆篆仙人

篆古之所有李斯善辨古文改為篆形墨藪

秦璽李斯魚蟲篆玉海

始皇并六國斯乃奏罷不合秦文者於是天下行之畫

如鐵石字若飛動作楷隸之祖為不易之法其銘題鍾

鼎及作符印至今用焉書斷

程邈

程邈字元岑下邳一作人始為衙縣獄吏得臯始皇幽

繫雲陽獄中覃思十年益大小篆方負而為隸書三千

字奏之始皇善之用為御史用其字以為隸人佐書故

曰隸書書斷

尚方大篆程邈所述後人飾之以為法焉墨藪

篆書始皇使程邈所作也隸書亦程邈所獻漢書藝文志注

志注

胡母敬

欽定四庫全書 御定書畫譜 卷二十二

胡母敬本標陽獄吏為太史令博識古今文字與程邈

李斯省改大篆書斷

史籀篇博學七章者太史令胡母敬所作也漢書藝文志

志

趙高

趙高始皇時為中車府令兼行符璽令事二世以為郎

中令後拜為中丞相史記李斯列傳

史籀篇爰歷六章車府令趙高所作也漢書藝文志

高善史書教始皇少子胡亥書

書斷

刻符書鳥頭雲脚李斯趙高並善之用題印璽

墨戲

王次仲

王次仲上谷人少有異志年及弱冠變倉頡舊文為今隸書秦始皇時官務繁多以次仲文簡便於事要奇而召之三徵而輒不至始皇怒其不恭令檻車送之於道上化為大鳥出在車外翻然而去落二翮於斯山故其

峰巒有大翮小翮之名矣

水經注 張懷瓘曰王愔云次仲建初中以隸草作楷法

欽定四庫全書

御定書畫譜

卷二十二

八

蕭子良云靈帝時王次仲飾隸為八分二家俱言後漢而兩帝不同或云後漢亦有王次仲為上谷太守非上谷人陶宗儀曰次仲與程邈同時增廣隸書為八分或云東漢末人又云有二王次仲皆非也

王次仲以楷字法局促遂引而伸之為八字之分故號

八分

金壺記

漢

蕭何

蕭何沛人也漢五年封鄼侯後拜為相國謚文終侯

漢

書本傳

蕭何深善筆理嘗與張子房陳隱等論用筆之道何為

前殿覃思三月以題其額觀者如流水何使用秃筆

金

記云蕭何用退筆書裳尤工何善篆籀時人謂之蕭籀

常自為之 羊欣筆陣圖

漢興蕭何草律著法曰太史試學童能諷九千字以上乃得為史又以六體試之課最者以為尚書御史史書今史吏民上書字或不正輒舉劾

漢書藝文志

盧綰

盧綰豐人也與高祖同里綰親與高祖太上皇相愛高

欽定四庫全書

御定書畫譜

卷二十二

九

祖綰壯學書又相愛也封為長安侯立為燕王

漢書本

傳

叔孫通

叔孫通薛人也秦時博士高帝九年為太子太傅孝惠

即位徙奉常

漢書本傳

倉頡墓碑文周時莫識李斯識八字至漢叔孫通識十

二字

述異記

滕公駕至東都門馬鳴跼不肯前以足跑地滕公掘地

入三尺得石郭有銘焉乃以水洗其文文字皆古異左

右莫能知以問叔孫通通曰科斗書也以今文寫之葛

洪西京雜記

司馬相如

司馬相如字長卿蜀郡成都人也好讀書學擊劍名犬子慕蘭相如之為人也更名相如上讀子虛賦而善之今尚書給筆札奏上林賦天子以為郎後拜孝文園令漢書本傳

欽定四庫全書

御定書畫譜

卷二十二

十一

司馬相如作凡將篇漢書藝文志

氣候時書漢文帝令蜀郡司馬長卿採日辰禽屈伸之體升伏之勢象四時為書墨藪

董謁

董謁字仲玄武都郁邑人也家去京師三百里或乘牛驢或躡履不日而至常息人家於座以筆題掌還家以竹箝寫之書竟則舐掌中世謂之董仲玄掌錄謁常遊山澤負挾圖書患其繁重家負拾樹葉以代書簡易卷

懷也郭憲洞冥記

董仲舒

董仲舒廣川人也為江都相中廢為中大夫遼東高廟長陵高園殿災仲舒推說其意草藁未上主父偃竊其書奏焉漢書本傳

藁書行草之文也董仲舒欲言災異主父偃竊而奏之墨藪

孔安國

欽定四庫全書
御定書畫譜
卷二十二
十一
孔安國魯人孔氏有古文尚書安國以今文字讀之因以起其家為諫大夫漢書本傳

孔子舊宅壁中所藏古文皆科斗文字時人無能知者定其可知者為隸古定陸游老學庵筆記云隸為隸書古為科斗前一簡作科斗後一簡作隸更以竹簡寫之孔安國尚書序

李陵

李陵字少卿廣孫隴西成紀人也拜為騎都尉至浚稽山與單于戰兵敗遂降漢書本傳

馬鞍山望鄉嶺 楊慎法帖神品目云在哈密 嶺上石龕有李陵題字

宋史高昌國傳

劉耽

劉耽書呂梁碑字為小篆耽於傳無聞据碑言皇帝登封之歲蓋秦漢間人也 羅泌路史按秦皇漢武皆登封今附武帝之末

張安世

張安世字子孺少以父任為郎用善書給事尚書宣帝立拜為大司馬車騎將軍領尚書事更為衛將軍謚敬

欽定四庫全書 御定書畫譜 卷二十二 十二
侯 漢書本傳

張彭祖

張彭祖安世子也安世兄賀無子子安世小男彭祖彭祖少與上同席研書上追思賀恩封彭祖為陽都侯 漢書張安世傳

漢張彭祖行草品上之下 韋續九品書人論

路溫舒

路溫舒字長君鉅鹿東里人也父為里監門使溫舒牧

羊溫舒取澤中蒲截以為牒編用寫書稍習善又受春秋通大義至臨淮太守 漢書本傳

嚴延年

嚴延年字次卿東海下邳人也為河南太守為人短小精悍敏捷於事尤巧為獄文善史書奏成手中奄忽如神 漢書酷吏傳

史游

史游漢元帝時黃門令作急就章解散隸體麤書之王

欽定四庫全書 御定書畫譜 卷二十二 十三
惜文字志

存字之梗概損隸之規矩縱任奔逸赴俗急就因草創之義謂之草書後世謂之章草 書斷

李長

李長成帝時將作大匠作元尚篇倉頡中正字也 漢書藝文志

張敞

張敞字子高本河東平陽人也祖父徙茂陵守京兆尹

復拜冀州刺史太原太守 漢書本傳

倉頡多古字俗師失其讀宣帝時徵齊人能正讀者張敞從受之 漢書藝文志

美陽得鼎獻之有司議以為宜薦見宗廟如元鼎時故

事張敞好古文字按鼎銘勒而上議云此鼎細小又有

款識不宜薦見宗廟 漢書郊祀志

張敞善書見王愔文字志 法書要錄

杜鄴

欽定四庫全書

御定書畫譜
卷二十二

十四

杜鄴字子夏本魏郡繁陽人也武帝時徙茂陵官為涼

州刺史 漢書本傳

鄴工古文 書斷

王尊

王尊字子贛涿郡高陽人也少孤歸諸父使牧羊澤中

尊竊學問能史書守京兆尹三歲免復遷東郡太守秩

中二千石卒官 漢書本傳

劉向

劉向字子政本名更生年十二以父德任為輦郎既冠

以行修飭擢為諫大夫元帝初為散騎宗正給事中成

帝即位更名向為中郎使領護三輔都水遷光祿大夫

漢書本傳

劉子政校中秘書自史籀以下凡十家序為小學次於

六藝之末 洪邁容齋隨筆

劉向博極羣書尤工字畫 陶宗儀書史會要

谷永

欽定四庫全書

御定書畫譜
卷二十二

十五

谷永字子雲長安人也博學經書數上疏言得失至大

司農 漢書本傳

樓護與谷永俱為五侯上客長安號曰谷子雲筆札樓

君卿唇舌 漢書游俠傳

孔光

孔光字子夏孔子十四世孫也為御史大夫丞相各再

壹為大司徒太傅太師歷三世前後十七年封博山侯

謚簡烈侯 漢書本傳

孔光經行著修書法古雅書史會要

爰禮

爰禮沛人孝平時徵禮等百餘人令說文字未央廷中

以禮為小學元士許慎說文序

爰禮善書見王愔文字志張彥遠法書要錄

秦近

秦近講學大夫通倉頡讀能言之許慎說文序

揚雄

欽定四庫全書

御定書畫譜
卷二十二

十六

揚雄字子雲蜀郡成都人也年四十餘游京師奏賦除
為郎給事黃門三世不徙官莽世轉為大夫作奇字嗜
酒好事者載酒肴從游學漢書本傳

元始中徵天下通小學者以百數各令記字於庭中揚
雄取其有用者以作訓纂篇順續倉頡又易倉頡中重
復之字凡八十九章漢書藝文志

雄為郎詔令尚書賜筆墨錢六萬觀書石渠天下上計
孝廉及內郡衛率會者雄常把三寸弱翰齋油素四尺

以問其異語歸即以鉛摘次之於槩揚子雲集

劉棻

劉棻國師公歆子也王莽時侍中封隆威侯漢書王莽傳

棻嘗從雄學作奇字漢書揚雄傳

甄豐

甄豐元始中封廣陽侯為少傅授四輔職漢書王莽傳

已新居攝使大司空甄豐等校文書之部自以為應制
作頗改定古文時有六書一曰古文二曰奇字三曰篆
書四曰佐書五曰繆篆六曰鳥蟲許慎說文序

陳遵

陳遵字孟公杜陵人也有功封嘉威侯遵嗜酒畧涉傳
記贍於文辭性善書與人尺牘主皆藏去以為榮王莽
素奇遵材起為河南太守既至官召善書吏十人於前
治私書遵馮几口占書吏且省官事書數百封親疎各
有意河南大驚復為九江及河內都尉漢書本傳

欽定四庫全書

御定書畫譜
卷二十二

十七

芝英篆陳遵所作在漢中葉武帝臨朝爰有靈芝三本植於殿前既歌芝房之曲又述芝英之書陳氏即芝英之祖夢英十八體書

馮燎

楚主侍者馮燎能史書習事嘗持漢節為公主使行賞於城郭諸國敬信之號曰馮夫人漢書西域傳

後漢

杜林

欽定四庫全書
御定書畫譜 卷二十二 十八
杜林字伯山扶風茂陵人也子少好學深沉家既多書又

外氏張竦父子喜文采林從竦受學時稱通儒建武六年徵拜侍御史林前於西州得漆書古文尚書一卷

嘗寶愛之雖遭艱困握持不離身代朱浮為大司空稱

為任職相後漢書本傳

倉頡多古字俗師失其讀杜林為作訓故漢書藝文志

林尤工古文過於鄴也書斷

衛宏

衛宏字敬仲張懷瓘書斷作 衛宏字次仲東海人也少與河南鄭興

俱好古學作毛詩傳從大司空杜林更受古文尚書為作訓旨由是古學大興光武以為議郎後漢書本傳

衛宏詔定古文字書一卷唐書藝文志

曹喜

曹喜字仲則扶風平陵人章帝建初中為祕書郎篆隸之工收名天下書斷

喜見李斯筆勢悲歎不已作筆論一卷王羲之筆勢傳

欽定四庫全書
御定書畫譜 卷二十二 十九
扶風曹喜少異於斯而亦稱善衛恒四體書勢

喜善懸針法後世行之以此書題五經篇目唐玄度十體書

垂露篆喜之所作以書章表奏事謂其點綴如輕露夢

英十八體書

喜小篆法垂枝濃直若薤葉金壺記

杜度

杜度蕭子良云本名操為 魏武帝諱改為度字伯度京兆杜陵人御史大

夫延年曾孫章帝時為齊相善章草書斷

建初中杜度善草書見稱於章帝上貴其蹟詔使草書

上事蓋因章奏後世謂之章草法書要錄

杜伯度章草時稱聖字金壺記

班固

班固字孟堅扶風安陵人也顯宗召詣校書部除蘭臺

令史後遷玄武司馬後漢書本傳

揚雄作訓纂篇臣復續揚雄作十三章無復字六藝羣

欽定四庫全書

御定書畫譜
卷二十二

二十

書所載畧備矣韋昭注曰臣班固自謂也作十三章後

人不別疑在倉頡下篇三十四章中漢書藝文志

固工篆李斯曹喜之法悉能究之書斷

班超

班超字仲升扶風平陵人彪之少子也永平五年兄固

被召詣校書郎超與母隨至洛陽家貧為官傭書以供

養久勞苦常輟業投筆歎曰大丈夫當效傅介子張騫

立功異域以取封侯安能久事筆硯間乎久之顯宗問

固卿弟安在固對為官寫書受直以養母帝乃除超為

蘭臺令史後使西域立功為都護封定遠侯後漢書本

傳

徐幹

徐幹字伯章扶風平陵人為班超軍司馬善章草班固

與弟超書曰得伯章書藁勢殊工知識讀之莫不歎息

實亦藝由已立名自人成班蘭臺集

賈逵

欽定四庫全書

御定書畫譜
卷二十二

二十

賈逵字景伯扶風平陵人也永平中有神雀集明帝勅

蘭臺給筆札使作頌拜為郎與班固並授祕書永元八

年為侍中領騎都尉後漢書本傳

賈逵和帝時修理倉頡舊史書史會要

賈魴

賈魴和帝時郎中撰滂喜篇以倉頡為上篇訓纂為中

篇滂喜為下篇所謂三倉也皆用隸字寫之隸法由茲

遂廣書斷

李郃

李郃字孟節漢中南鄭人也郃游大學通五經官至司

徒封涉都侯 後漢書本傳

李郃游學京師常賃書自給 李郃別傳

王溥

王溥琅邪人王吉之後安帝時家貧不得仕乃挾竹簡

插筆於洛陽市傭書美於形貌又多文辭來就其書者

丈夫贈其衣冠婦人遺其珠玉一日之中衣寶盈車而

欽定四庫全書

御定書畫譜

卷二十二

二十三

歸積粟於廩洛陽稱為善筆而得富後以一億輸官得

中壘校尉 拾遺記

崔瑗

崔瑗字子玉涿郡安平人嗣之中子也早孤好學能傳

其父業諸儒宗之舉茂才後遷濟北相著草書勢 後漢

書本傳

瑗善章草師於杜度點畫之間莫不調暢王隱謂之草

賢又妙小篆有張平子碑 書斷

崔瑗撰飛龍篇合篆草勢三卷 唐書藝文志

崔寔

崔寔字子真一名台字元始瑗之子也桓帝初舉至孝

獨行後為五原太守召拜尚書 後漢書本傳

崔寔章草雅有父風張茂先甚稱之 書斷

許慎

許慎字叔重汝南召陵人也少博學時語曰五經無雙

許叔重為郡功曹舉孝廉再遷除汝南長作說文解字十

欽定四庫全書

御定書畫譜

卷二十二

二十三

四篇 後漢書本傳

許慎少好古學書正文字尤善小篆師模李斯甚得其

妙 書斷

尹珍

尹珍 華陽國志字道 牂牁郡人也桓帝時自以生於荒裔

不知禮義乃從汝南許慎授經書圖緯學成還鄉里教

授於是南域始有學焉珍官至荊州刺史 後漢書南蠻

傳

尹珍善書見王愔文字志 法書要錄

張芝

張芝字伯英燉煌酒泉人徒屬弘農華陰芝及弟昶並善草書至今稱傳之 後漢書張奐傳

伯英家之衣帛必書而練臨池學書池水盡黑下筆必為楷則號忽忽不暇草書寸紙不見遺至今世尤寶其書韋仲將謂之草聖 衛恒四體書勢

張芝學崔杜之法因而變之以成今草書之體勢一筆

欽定四庫全書 御定書畫譜 卷二十二

而成氣脈通聯隔行不斷謂之一筆書 張彥遠歷代名

畫記

伯英行書則二王之亞也又善隸書 書斷

張芝始作一筆飛白書 庾元威論書

芝見蔡邕作筆勢遂作筆心論五篇 書勢傳

張昶

張昶字文舒善草書 後漢書張奐傳

文舒伯英季弟為黃門侍郎尤善章草書類伯英時人

謂之亞聖極工八分又善隸 書斷

華嶽廟祠堂碑文漢給事黃門張昶造昶自書之元帝又刊其二十餘字二書有重名傳於海內 水經注

朱賜

朱賜杜陵人官太僕時稱工書 書斷

羅暉

羅暉字叔景京兆杜陵人官至羽林監善草書著聞三輔 書斷

欽定四庫全書 御定書畫譜 卷二十二

杜度妙於章草崔瑗崔寔父子繼能羅暉趙襲亦法此藝襲與張芝相善芝自云上比崔杜不足下方羅趙有餘 同上

餘同上

趙襲

趙襲字元嗣京兆長安人為燉煌太守與羅暉並以能草見重關西 書斷

姜詡 梁宣 田彥和

姜孟頽 王愔文字志名詡 梁孔遠 王愔文字志名宣 田彥和皆伯英弟

子有名於世衛恒四體書勢

余郡士梁孔達姜孟穎慕張生之草書過於希顏孔焉
趙壹非草書

蘇班

蘇班平陵人也五歲能書為張伯英所稱賞書斷

蔡邕

蔡邕字伯喈陳留圉人也少博學建寧中拜郎中校書
東觀遷議郎熹平四年奏求正定六經文字靈帝許之

欽定四庫全書

御定書畫譜

卷二十二

邕乃自書冊一作

於碑

洛陽伽藍記漢國子學堂前有

三種字石經二十五碑表裏刻

之作篆科斗隸三種字蔡邕筆之遺蹟

使工鐫刻立於

也王伯厚云漢石經乃蔡邕八分書

太學門外碑始立觀視及摹寫者車乘日千餘兩填塞

街陌初平元年拜左中郎將封高陽鄉侯著篆勢

後漢

書本傳

蔡文姬曰臣父造八分時神授筆法注云邕初入嵩山

學書於石室中得素書八角垂芒寫史籀李斯用筆勢

讀誦三年遂通其理常居一室不寐恍然一客厥狀甚

異授以九勢蔡邕石室神授筆勢

蔡邕采斯喜之法為古今雜形衛恒四體書勢

蔡邕作聖皇篇成詣鴻都門上時方修飾鴻都門邕見
役人以聖帚成字心有悅焉歸而為飛白之書書斷

熹平四年邕與五官中郎將堂谿典光祿大夫楊賜諫

議大夫馬日磾議郎張馴水經注韓說太史令單颺等

正定六經文字後漢書蔡邕傳

堂谿典

見上

蔡邕傳

欽定四庫全書

御定書畫譜

卷二十二

堂谿典字子度潁川人為西鄂長後漢書蔡邕傳注

典有嵩高石闕銘云中郎將堂谿典伯并

先賢行狀云

萬傳注又作季度此云

熹平四年來請雨嵩高廟

趙明

字伯并當以碑為正

誠金石錄

楊賜

見上

蔡邕傳

楊賜字伯獻震之孫弘農華陰人也熹平二年拜光祿
大夫封臨晉侯為司空謚文烈侯後漢書本傳

馬日磾

見上

蔡邕傳

馬日磾字翁叔扶風人馬融之族子少傳融業以才學進

與楊彪盧植蔡邕等典校中書歷位九卿遂登三輔趙

岐三輔決錄

張馴

張馴字子儵濟陰定陶人也少游太學拜議郎與蔡邕

共定六經文字擢拜侍中光和七年遷大司農後漢書

本傳

韓說見上蔡邕傳

欽定四庫全書 御定書畫譜 卷二十二

韓說字叔儒會稽山陰人也博通五經尤善圖緯之學

與蔡邕友善遷侍中後漢書本傳

單颺見上蔡邕傳

單颺字武宣山陽湖陸人也善明天官算術稍遷太史

令後拜尚書令後漢書本傳

趙陲 劉弘 張文 蘇陵 傅楨 左立

孫表

史稱蔡邕自書丹使工鐫刻今所存諸經字體各不同

雖邕能分善隸兼備篆體但文字之多恐非一人可辦

史云邕與堂谿典等正定諸經別有趙陲劉弘張文蘇

陵傅楨東觀餘論云石經有一版公羊其末云臣趙

立孫表東觀餘論云論語之末題曰詔數人竊意其間

必有同時揮豪者洪适隸釋

劉陶

劉陶字子奇一名偉潁川潁陰人濟北貞王勃之後陶

明尚書訓詁古文是正文字三百餘事名曰中文尚書

欽定四庫全書 御定書畫譜 卷二十二

靈帝時拜諫議大夫後漢書本傳

陶亦工古文書斷

劉讓

劉讓所題十六字相傳云在蜀中閣道建寧者靈帝年

號隸釋

仇子長

仇子長靈帝時人析里橋郾閣頌建寧五年仇子長書名紉

天下碑錄

張普

張普靈帝時人米巫祭酒張普題字熹平二年立在嘉州墨

寶云洪雅磨崖復齋碑目作張普施天師道法記婁機

漢隸字原

張景

張景靈帝時人太守張景題字光和六年立在高朕石室梁

上漢隸字原

劉德升

欽定四庫全書

御定書畫譜

卷二十二

三十

劉德升一作昇字君嗣潁川人桓靈之時以造行書擅名

書斷

德升小變楷法謂之行書兼真謂之真行帶草謂之草

行陸深書輯

德升造瓔珞篆因夜象觀星宿而為此法夢英十八體

書

張超

張超字子並河間鄭人有文才靈帝時從征為別部司

馬超善於草書妙絕時人世共傳之後漢書本傳

超工章草字勢甚峻吳人以皇象方之書斷

師宜官

師宜官南陽人靈帝好書徵天下工書者於鴻都門至數百人八分稱宜官為最大則一字徑丈小乃方寸千言甚矜其能性嗜酒或時空至酒家書其壁以售之觀者雲集酤酒多售則鏟去之後為素術將鉅鹿耿球碑術所立是宜官書書斷

欽定四庫全書

御定書畫譜

卷二十二

三十一

梁鵠

梁鵠字孟皇安定烏氏人以善八分知名舉孝廉為郎

書斷

靈帝重之亦在鴻都門下遷幽州刺史

師宜官每書輒削而焚其拊梁鵠乃益為版而飲之酒

候其醉而竊其拊鵠卒以書至選部尚書鵠奔劉表魏

武帝破荊州募求鵠署軍假司馬在祕書以勤書自効

武帝懸著帳中及以釘壁玩之以為勝宜官今宮殿題

署多是鵠書衛恒四體書勢

鵠法師宜官師善小字梁善大字 金壺記

毛弘

毛弘字大雅河南武陽人服膺梁鵠研精八分亦成一

家法獻帝時為郎中教於祕書 書齒

弘善古文隸書章草 書史會要

左伯

左伯字子邑 一作邕東萊人特工八分與毛弘等列亦擅

名漢末又甚能作紙漢興有紙代簡和帝時蔡倫工為

欽定四庫全書 御定書畫譜 卷二十二

之子邑尤得其妙 蕭子良集

漢末左子邑小與淳鵠不同然亦有名 衛恒四體書勢

荀爽

荀爽字慈明一名諲潁川潁陰人淑之第六子也幼而

好學年十二能通春秋論語潁川為之語曰荀氏八龍

慈明無雙延熹九年舉拜郎中獻帝時進拜司空 後漢

書本傳

荀爽善書翰 書史會要

朱登

朱登字仲條善隸建寧中當書衛 當作府君碑 書史會

要後漢衛尉衡方碑集古錄墨池編皆不載撰書人
名惟金薤琳瑯碑尾有門生平原樂陵朱登字仲下闕

徐安于

徐安于 一作子韋續云後漢東陽公徐安于搜諸史摛得

十二時書皆象神形也 墨藪

唐終

唐終 王愔文字志作終魯人當漢魏之際夢蛇繞身寤

欽定四庫全書 御定書畫譜 卷二十二

而作蛇書 墨藪

郭伯道 一作通

郭伯道品中之上論曰伯道里居 一本作府問朝廷遠討 一本

封其迹 度肩吾書品

王綺

王綺正隸草品上之上 韋續九品書人論

王瞻

王瞻善草書 書史會要